


Éifeachtacht vacsaíne

Na príomhcheisteanna freagartha



Conas a choisceann vacsaíní galair?

Tá antaigin i gcuid mhaith vacsaíní, ar foirm lagaithe nó dhíghníomhaithe de víreas nó de bhaictéar atá inti. Nuair a dhéantar duine a vacsaíniú, aithníonn a c(h)óras imdhíonachta an antaigin mar earra coimhthíoch, agus cruthaíonn sé cealla ar a dtugtar antasubstaintí a dhéanann an víreas nó an baictéar a chomhrac.

Ligeann vacsaíní don chóras imdhíonachta cuimhní a chruthú de na víris nó de na baictéir atá iontu. An chéad uair eile a dhéanann duine vacsaíniú teagmháil leis an víreas nó leis an mbaictéar sin, is féidir lena c(h)óras imdhíonachta é a aithint, agus na hantasubstaintí cearta agus na cealla imdhíonachta cearta a tháirgeadh go tapa chun é a mharú.

Cad is imdhíonacht 'tréada' nó 'pobail' ann?

Nuair a bhíonn vacsaín faighte ag daoine i gcoinne galar tógálach, tá an seans go mbeidh an galar sin á scaipeadh ó dhuine go duine i bhfad níos lú. Tugtar imdhíonacht 'tréada' nó 'pobail' ar an gcosaint chomhroinnte seo.

Cuidíonn imdhíonacht phobail chun iad siúd is leochailí do ghalair a chosaint:

- › Leanaí óga
- › Daoine scothaosta
- › Othair ailse
- › Daoine a bhfuil córais imdhíonachta laga acu
- › Daoine nach féidir iad a vacsaíniú ar chúiseanna leighis

Cad is 'imdhíonacht nádúrtha' ann?

Is ainm é 'imdhíonacht nádúrtha' a thugtar don imdhíonacht a fhorbraíonn duine tar éis dó nó di galar a fháil, agus nuair a tháirgeann a c(h)óras imdhíonachta antasubstaintí mar fhreagairt.



An bhfuil vacsaíní 100 % éifeachtach?

Níl aon vacsaín 100 % éifeachtach. Ní thugann vacsaín cosaint do gach duine atá vacsaíniú. Braitheann cibé acu an gcosnaíonn vacsaíniú duine ar roinnt tosca.

Áirítear leo siúd:

- › A n-aois
- › Galair nó riochtaí eile a d'fhéadfadh a bheith orthu
- › An méid ama atá caite ó tugadh an vacsaíniú
- › Teagmháil roimhe seo leis an ngalar
- › An vacsaín shonrach

An féidir le duine éigin galar a fháil, fiú má tá vacsaín faighte aige nó aici?

Is féidir le duine galar a fháil fiú i ndiaidh dó nó di na dáileoga vacsaíne a mholtar a fháil in aghaidh an ghalair a fháil. D'fhéadfadh sé sin tarlú mura bhforbraíonn siad cosaint leordhóthanach i gcoinne an ghalair, nó má laghdaíonn a n-imdhíonacht le himeacht ama.

Sna cásanna sin, áfach, go minic bíonn siomptóim an duine níos éadroime ná mar a bheidís mura mbeadh sé nó sí vacsaíniú. Is lú an seans atá ann freisin go n-ionfhabhtóidh siad daoine eile.

Mar shampla, tá an vacsaín i gcoinne na bruitíní, na leicníní agus na bruitíní deirge (MMR) thar a bheith éifeachtach chun galar a chosc. De ghnáth, tugann sé cosaint ar feadh an tsaoil.



TAIRSEACH FAISNÉISE
EORPACH MAIDIR
LE VACSAÍNIÚ
Tionscnamh de chuid an Aontais Eorpaigh



Scan an cód QR chun tuilleadh eolais a fháil ar Thairseach Faisnéise an Aontais um Vacsaíniú
vaccination-info.europa.eu/en